

序

有明之初仙人輩出南昌周顛仙臨川張景華協律郎冷啓敬
是皆默觀景運翊贊奇勳者然其嬉笑神奇震動天子方士卽
沿此欺人也張三丰先生跨遼東鶴籥薊北雲以文學才識受
知廉平章奏補縣令旋復致仕歸家從赤松子遊至正間先生
已浩然有得矣道光初余歸自浙於今秉鐸嘉陽每當課士之
暇輒愛養生之書常於李子齋頭得故劍南觀察汪夢九先生
所藏三丰全集然後知文章出處清矯不羣是亦嫺媛中祕典
也李生以其書歷年旣久腐不堪披亟欲梓而存之並搜名山
碑版道院抄存者以補其闕由是郁郁然成一家言也昔宋太
宗謂諸臣曰華山陳搏獨善其身不干勢利可謂方外士矣三
丰其能紹希夷之風者歟

承熙撰

道藏輯要

三丰全集 序

三

續畢集七

川文二